

春秋左傳識小錄

春秋左傳識小錄卷上

元和朱駿聲輯

傳始爲魯夫人 按四字繁重手文當似古文易於亦也

隱元盟于蔑 惠棟云史避隱公諱不書姑蔑卽定十二傳之姑蔑也按地在今山東兗州府泗水縣東南公穀蔑作昧一聲之轉隱公名息姑二名不徧諱此如邾婁卽邾於越卽越長言之曰姑蔑短言之曰蔑耳僖公名申五年書申生七年書申侯莊公名同十六年二十七年書同盟于幽皆臨文不諱

隱元

莊公寤生

杜預解寤寐而已生按是易產宜愛之

又何驚焉顧炎武引風俗通兒墮地能開目視者爲寤生按兒生目皆開與禽獸不同曷足異駿謂寤讀爲寤逆也逆產如手足先見之類必仍送進門令其徐轉而順生許慎說文古不順子忽出从倒子倒子者順生也不順乃順也史記鄭世家曰生太子寤生生之難正是逆意

隱元

不如早爲之所

按所讀爲處猶言處置也

隱元

鄭伯克段于鄆

杜解今潁川鄆陵縣按鄆妘姓之

國鄭武公滅之今河南開封府鄆陵縣是也卽成十六年之鄆陵錢辛楣師云此當爲陳留之僞駿按漢志陳留十七縣有僞應劭曰鄭伯克段于僞是又潁川二十縣有僞陵李奇曰六國爲安陵後漢志則陳留十七城已無僞潁川十七城有隰陵謂春秋時曰隰劉昭注春秋鄭共叔所保晉志陳留國十縣亦無隰潁川郡九縣有隰陵杜據晉時言之故曰潁川也僞與僞陵實是一地漢志分屬二郡者疑一爲鄉聚之名或有岐誤如王子功臣外戚三侯表其封國地

理與志多異史記索隱於陽信曰表在新野志在勃
海於離石曰表在上黨志屬西河王子侯表於張曰
常山而志屬廣平於平隄曰鉅鹿而志屬信都之類
難以枚舉殆未可凡揣矣

元隱

弔生不及哀 杜解諸侯以上既葬則綴麻除無哭
位諒闇終喪蓋本昭十五年左傳既葬除喪而爲短
喪之說繆也按弔葬有五節啓殯也祖道也柩車將
行也哀次也反哭也今遲不及

三隱

命以義夫 沈彤曰宣公立穆公之命出于義也下

文引詩亦專美宣公駿按詩詞自訓天命則上文命字不宜異解

隱三

憾而能眵者鮮矣 按說文眵目有所恨而止也因

字从目故曰目有所恨恨卽憾也專以左傳此句爲說其實眵當訓視其訓止訓重者讀眵爲鎮也鎮有安定不動之意爾雅眵重也卽廣雅之鎮重也古多借眵爲鎮又借診爲眵借眵爲診故許書診眵二字亦不甚分明

隱四

陳桓公方有寵於王 陳侯不應稱諡左氏偶失檢

與荀子堯問周公稱成王之爲叔父同

五隱

公將如棠觀魚者 孔穎達曰魚者猶言獵者按魚
讀爲漁經矢魚于棠同矢公穀作觀矢者噉之段借
字噉从陳聲陳从申聲矢申一聲之轉朱子欲訓矢
魚爲射魚以下文則公不射爲證不知下文明言鳥
獸指祭祀之射牲魚不如蛟可射也

五隱

諸侯用六大夫四士二 按凡舞以八人爲列服虔
云用六四十八人用四三十二人用二十六人是也
如杜解則至士只四人何能成舞又按經書初獻六

羽董仲舒春秋繁露王道篇則以爲諱八言六

隱五未及國 杜解似非人情按宋使奉命時實未及國

及至魯之日公已聞其入郭使者或亦聞之要非實見故就奉使時爲言而不虞公之怒也

隱六芟夷蘊崇之 按芟當作發以足蹋夷艸也見說文

死部引

隱六猶懼不訖 按訖讀爲訖爾雅迄至也迄者訖之俗

隱七歆如忘 服虔云如而也臨歆而忘其盟載之詞杜

解志不在歆血非是

隱以泰山之祊易許田 杜解近許之田劉炫云別有

許邑按魯頌居常與許在今河南許州西南四十里

隱先配而後祖 杜解不告廟而先逆婦返而後告廟

賈逵以配爲成夫婦也禮齋而未配三月廟見然後
配鄭衆以配爲同牢食也鄭康成以祖爲祊道之祭
先爲配匹而後祖按五說以賈景伯爲長

隱爲謚因以爲族 杜解或便卽先人之謚俾以爲族

劉炫云以謚爲族全無一人按爲謚因以爲族猶曰
賜謚因以賜族耳康成則讀諸侯以字爲氏絕句是

謚當作氏也

八隱以鳩其民 按鳩讀爲勾聚也

十隱鄭莊公于是乎可謂正矣 按正讀爲征下云以王命討不庭正之體也

士隱周之宗盟 賈逵曰宗尊也服虔曰同宗之盟孫毓
曰宗伯屬官掌作盟詛之載詞故曰宗盟按宗之爲
言衆也當讀爲衆張揖廣雅宗衆也逸周書程典王
用宗讒楚詞招魂室家遂宗注皆訓衆易同人于宗
荀謂亦訓衆

士隱 穎考叔挾輈以走 服云挾車轅鑿馬而走是也若

無馬未必于都弗能及

士隱 反大達 杜解道方九軌也蓋本爾雅李巡注按考

工記經涂九軌惟王國得有諸侯無之說文達九達道也謂九道交出淮南說林楊子見達路而哭之爲其可以南可以北卽爾雅所云九達謂之達矣

士隱 鬼神實不遲于許君 按遲讀爲盈猶滿也方言小

爾雅皆云遲快也昭公二十三年沈子遲公羊作楹

穀梁作盈

桓鄭伯以璧假許田 廢信曰鄭以祔不足當許田復

加璧

桓及其大夫孔父 按孔父名嘉故字孔後裔以字爲氏無以名爲氏之理鄭有子孔亦名嘉此傳先儒皆以爲書字善之也杜以嘉爲字以孔父爲名輒爲異解且云貶之大繆

桓會於稷以成宋亂 按成者斷獄之併猶言聽也見禮記王制周禮訝士

桓大路越席 杜解大路玉路祀天車也劉炫云木路

二桓 藻率鞞鞞 杜解鞞佩刀削上飾鞞下飾按當云鞞

佩刀削也鞞上飾其下飾曰琕

二桓 蔡侯鄭伯會于鄧 公羊賈服俱以鄧爲國非也鄧

在今河南許州郟城縣古蔡地

二桓 而下無覲覲 覲服虔本作窺云窺者謂舉足而視

也

五桓 旂動而鼓 賈以旂爲發石一曰飛石范蠡兵法曰

飛石重十二斤爲機發行二百步按許氏說文同三

國魏志太祖爲發石車唐書李密傳造雲旂發石攻

城號將軍礮

五桓王亦能軍 按亦當作不

六桓使薳章求成焉 按王符潛夫論曰蚤冒生薳章者王子無鈞也令尹孫叔敖者薳章之孫也

六桓謂其不疾痲蝨也 按痲當作族尙書大傳注族猶聚也蝨讀爲痲胃疫病也

六桓嘉栗旨酒 按栗疑粟字之誤粟者稻粱之屬言以嘉穀爲酒也

六桓按以太牢 杜解以禮接夫人非也禮記內則國君

世子生接以太牢又云凡接子擇日又云接子庶人特豚

桓不以國 顧炎武曰若定公名宋哀公名蔣按以他國命名如晉侯周衛侯鄭陳侯吳之類何至廢名又謂秦莊王名楚改楚爲荆按荆者本號荆楚同物改荆爲楚豈改楚爲荆乎莊襄本名異人因爲華陽夫人嗣夫人楚產故改名楚也不以國者當謂不以本國耳

桓不以器幣 服云俎豆鼎彝犧象之屬

六桓 晉以僖侯廢司徒 杜解僖侯名司徒廢爲中軍按

魯莊公時晉曲沃伯始以一軍爲晉侯閔公時晉獻
但作二軍僖公時晉文乃有中軍然則武公以前晉
未有軍也廢直是廢其職

六桓 與吾同物 惠棟云物謂六物歲時日月星辰也同
日故云同物按莊三十二年傳以其物享焉亦謂日
也

八桓 君必左 顧炎武云兩軍相對隨之左當楚之右君
謂隨侯王謂楚王按不曰王必左而曰君必左顧說

有理

桓宋人執鄭蔡仲 杜解仲名按蔡仲字仲名足必不

在稱名罪之之例

桓盟於句瀆之邱 按句瀆之合音爲穀魯地在今山

東曹州府北其在今兗州府曲阜縣者名小穀

桓楚人坐其北門 惠棟云兵法有立陳坐陳行止之

別見尉繚子傳曰裹糧坐甲又云王使甲坐於道司
馬法徒以坐固皆是

桓冬城向 杜解下有十一月此城向亦俱是十一月

按春秋經凡城皆不月者工有繁簡時有遲速土功之始以水昏正爲候成月不定也

恒復惡已甚矣 杜解復重也按韓非子難四篇亦載此事作報惡復猶報也

莊夏四月辛卯夜恒星不見 按彼教以是夜佛從母左脅中墮地行七步眞無稽之言

莊夜中星隕而雨 按不修春秋曰雨星不及地尺而復此必無之事孔子疑之嫌其詞之太鑿而改削也
莊公孫無知虐於雍廩 馬宗璉曰賈云雍廩葵邱大

夫昭十傳齊渠邱實殺無知鄭衆以渠邱爲無知之邑按葵渠雙聲字賈注當作渠邱也

莊九乃殺子糾於生竇按史記作笙竇賈曰魯地句瀆也生竇卽句瀆之邱句瀆卽穀之長言

莊十大敗宋師於乘邱按檀弓稱馬驚敗績是魯敗與傳不合陳可大曰公車敗績易車之後大勝如韓原之戰晉幾獲秦伯而秦反獲晉侯也

莊十荆敗蔡師於莘按呂覽長攻楚王欲取息與蔡乃先佯善蔡侯而與之謀蔡侯曰息夫人吾妻之姨也

吾請爲饗息侯與其妻而與王俱因而饗之於是與
蔡侯以饗禮入於息因與俱遂取息旋舍於蔡又取
蔡情事不同亦與莊十四年傳乖異

莊臧孫達曰 按世本袁伯達爲文仲之祖此傳當是
臧孫辰字之誤也

莊莊公之子猶有八人 顧炎武云桓十四年鄭伯使
其弟語來盟傳稱其字曰子人亦其一也按後有子
人九蓋以字爲氏

莊秋有戢 服云南方盛暑所生其狀如鼈含沙射人

入皮肉其瘡如疥按謂詩爲鬼爲蜮之蜮然據呂覽
高注兗州謂蜮爲騰騰卽蟻或作蚘又作蚘形聲皆
近蜮而譌也春秋重田事故螽蟥蜚蜚皆書之宜非
短狐傳云爲災也亦可證

^莊葬於經皇 馬宗埏曰卽宣十四年之空皇寢門名
蓋葬於楚王墓闕前象生時職守大闕之誼

^莊肆大眚 賈曰文姜有罪故赦以悅臣民而後葬按
肆讀爲悽緩也減也此六書之段借眚目病生翳也
引申爲過犯書眚災肆赦是也此六書之轉注

莊公如齊觀社 按墨子燕有祖齊有社宋有桑林楚

有雲夢此男女之所屬而觀也蓋如鄭之溱洧上巳

男女所合會觀者觀婦女也

莊御孫諫曰 按魯語匠師慶韋昭注掌匠大夫御孫

之名蓋丹楹刻桷職其事者

莊小戎子 杜解允姓之戎陸粲曰傳云允姓之姦居

於瓜州自惠公始誘以來則此別一戎子其姓耳

莊縣門不發 墨子備城篇云凡守城之法備城門爲

縣門機長二丈廣八尺謂之兩相如按縣門略如今

之聞板發機自上下之

莊齊人伐山戎 服云北狄今鮮卑也按在今直隸永

平府國語荆令支斬孤竹令支在盧龍縣孤竹在灤
州

莊臨黨氏 按卽仇氏也仇者爪字之俗以掌爲爪復
以黨爲掌皆同聲通借字也

莊次於黨氏 顧炎武云適母家也

莊能投蓋於稷門 服云能投千鈞之重過門之至也
按車蓋必無三萬斤疑千爲十字之誤若杜氏之解

迂曲難通焦循以爲蓋者闔也謂門扇城門之闔非一人能勝故言多力按荀子宥坐九蓋注戶扇也借蓋爲闔聲義俱順

閔元趙夙御戎 杜解趙衰兄按世本以夙爲衰之父史

記以爲衰之祖杜據晉語也焦延壽易林云伯夙奏獻衰續畎 夙與衰世次相懸必非弟兄

閔元辛廖占之 杜解晉大夫按周大夫辛甲辛有之族萬在周時筮仕於晉也

閔元卜偃曰 賈曰掌卜大夫郭偃也

閔立戴公以廬於曹 按曹詩作漕在今河南衛輝府

滑縣南有白馬城是也

閔歸夫人魚軒 按車有藩蔽曰軒以魚皮飾

閔重錦三十兩 按儀禮重賜無數鄭注重猶也說

文重厚也

閔尫涼冬殺 按涼讀爲涼說文事有不善言涼也爾

雅涼薄也傳云號多涼德亦涼字許書牛部引此傳
作拋掠蓋古本左傳段借字也

閔金玦不復 按荀子大略篇絕人以玦還人以環

二閱 狂夫阻之 服曰方相之士蒙元衣朱裳驅疫號之
爲狂夫止此服按阻非止也當讀爲怛驕也言衣之
以爲榮

二閱 大都耦國 杜解山沃爲大都按辛伯述前人成語
大都句原不爲晉而發順文引之共太子固非鄭叔
段比

元信 邢遷於夷儀 杜解邢地嚴蔚云續漢郡國志東郡
聊城有夷儀聚有聶戚聊攝爲齊之西界夷儀係於
聊攝之間不屬諸邢明矣駿按夷儀在今直隸順德

府邢臺縣西有夷儀城去山東東昌府聊城縣甚遠
續漢志所云夷儀聚蓋別是一聚非此夷儀也

二倍

冀爲不道入自顛軫伐鄆三門服云冀伐晉虞助

晉也將欲假道稱前恩以誘之見正義所引又云鄆
晉別都也見續漢書劉昭注按服解勝杜但鄆顛軫
皆在今山西解州平陸縣東北似是虞地而成二年
傳公會晉師於上鄆杜注地闕疑是晉地或以爲在
今山東兗州府陽穀縣齊衛境上邑也俟考

四傳

惟是風馬牛不相及也按風讀爲放聲之轉也豈

警馬牛其風鄭訓走郭景純山海經中山經圖贊桃
林章休牛風馬

四傳

方城以爲城

按方城山一名長城見盛宏之荊州

記一名萬城見酈道元水經注萬字有作万者在今
河南南陽府裕州東北四十里

四傳

女實征之

服云太公爲王官之伯掌司馬職以九

伐之法征討

四傳

無以縮酒

按縮讀爲舊說文舊束茅加於裸圭而

灌鬯酒

四傳 筮短龜長 馬融曰筮史短龜史長

五傳 晉侯殺其世子申生 按申生之謚傳紀於四年冬

而經書在五年春者經皆周正左氏則雜用夏正所采諸國之史不同也此傳本之晉乘耳其他經傳年月不符可以類推

五傳 遂登觀臺 許慎五經異義天子靈臺在太廟之中

諸侯曰觀臺亦在廟中以望嘉祥也

五傳 號仲號叔 賈云仲封東虢制是也叔封西虢號公

是也馬云叔文王同母弟封上陽仲異母弟封下陽

按隱元傳虢叔死焉此東虢虢仲之後鄭滅之杜解
不誤晉所滅者西虢上陽下陽皆西虢地上陽在今
河南陝州東南下陽在今山西解州平陸縣東北陝
州與平陸止隔一河東虢之制則在今河南開封府
汜水縣與陝州解州相去甚遠

五傳虞不臘矣 秦惠十二年始改蜡爲臘故與月令臘

先祖五祀人皆疑之駿按左傳一書始昌明於劉歆
而所改竄埒益者殆亦有焉此類當別觀之

五傳均服振振 服云衾服黑服也按文選吳都賦劉淵

注聞居賦李善注俱引作衿

五太伯不從 顧炎武曰不在大王之側按史記云太

伯亡去是以不嗣杜解非也

六許男面縛銜璧 按面之爲背猶廢之爲置徂之爲

存也漢書項籍傳馬童面之

八號射爲右 服云射惠公舅

九王使宰孔賜齊侯胾 按是時襄王初立以月計之

惠王猶未葬不得有事宗廟且賑膳之禮親兄弟之

國不及異姓豈畏齊而加以異數耶

九傳以是藐諸孤 按藐讀爲秒諸讀爲者

十傳及七輿大夫 杜解侯伯七命副車七乘按服云下

軍之輿帥七人屬申生者爲太子報怨蓋猶襄二十
三傳樂盈將下軍故七輿大夫與樂氏也

十一傳賜晉侯命 杜解賜之命圭非也凡封國有命圭世
世守之易君不易圭此謂策命

十二傳使隰朋平戎于晉 按王符曰隰氏姜姓

十三傳應乃懿德 按應當讀爲鷹猶受也

十四傳沙鹿崩 服云沙山名鹿山足林屬於山曰鹿蓋本

穀梁杜以沙鹿爲山名按山在今直隸大名府元城縣東四十五里或曰此時晉之東境未能至元城疑爲衛地公羊云爲天下記異是也

傳奏穆姬屬賈君焉 杜解獻公次妃惠棟曰唐尚書

以爲申生妃故前傳云夷吾無禮

傳侯車敗 顧棟高曰侯當爲候調探候之車文義自

順按致師挑戰之車而曰候車卻無根據

傳獲其雄狐 按齊襄通文姜詩比焉晉惠烝賈君傳

比焉曰狐蠹必其君也必者有據之詞

僖主

輅秦伯將止之

呂覽愛士云昔秦繆公乘馬而車

爲敗右服失而桡人取之見桡人方將食之於岐山之陽繆公歎曰食駿馬之肉而不還飲酒余恐其傷

女也於是偏飲而去處一年爲韓原之戰晉人已環

繆公之車矣晉梁由靡已扣繆公之左驂矣晉惠公

之右路石

韓詩外傳作格右

奮投而擊繆公之甲中之者已

六札矣桡人之嘗食馬肉於岐山之陽者三百有餘

人畢力爲繆公疾鬥於車下遂大克晉反獲惠公以

歸淮南汜論所述略同此可補左傳之闕惟左傳晉

惠公之右爲家僕徒又梁由靡御韓簡虢射爲右虢射疑卽路石則非惠公之右乃韓簡之右輅路通左傳輅下或有脫文

傳乃舍諸靈臺 靈臺在長安北四十里高二十丈周傳一百二十步文王經始之故臺也

傳姪其從姑 杜解於火爲姑按火當作兌字之誤也傳此一役也秦可以霸 杜解一役謂復可當一事之功連上德刑讀按服云一役韓戰之役與下句連屬是也

共倍隕石於宋五隕星也 按恒星大小有六等其全徑

皆大於地徑第一等大於地一百餘倍第六等亦大
於地十七倍有奇使眞星隕是無地矣况五乎莊七
年書星隕如雨尤奇此皆古今來必無之理必無之
事或曰隕石隕星俱在月輪天下隕星者衆星奔流
皆屬光氣隕石者星質如瑪瑙譬若石之有泐所墜
者屑亦求其說不得而爲之辭

齊桓公卒 按韓非子十過篇云桓公南游堂阜豎

刁率易牙衛公子開方及大臣爲亂桓公渴餒而死

南門之寢公守之室身屍三月不收蟲出於戶亦可

補左傳之闕

傳齊桓公存三亡國 杜解魯衛邢按明傳通云傳注

解辨誤云邢衛杞是也傳字士凱

傳凡啓塞從時 服云闔扇所以啓鍵閉所以塞月令

仲春修闔扇孟冬修鍵閉從時從此時也

傳以服事諸夏 杜解與諸夏同服王事按附庸事諸

夏大國供職貢從時令也

傳大司馬固諫 杜解公孫固非也大司馬卽司馬子

魚固諫堅辭以諫定十傳公若藐固諫

三傳策名委質 服云始仕必先書名於策委死之質於

君示必死節於君也按死謂執雉士摯也質讀爲擊
晉語臣委質於翟之鼓管子令諸侯之子將委質者
皆雙虎之皮杜解屈膝蓋以質爲形質不知行文段
借之理

三傳聞其駢脅 按讀駢爲駢說文駢并脅也

三傳薄而觀之 按薄帷簿也如今之簾晉語設微薄而
觀之可証讀爲迫非

三傳 奉匱沃盥 按儀禮士昏禮媵御沃盥交泰以文嬴妻重耳以懷嬴爲媵故重耳入室時沃壻盥於南洗也

三傳 實紀綱之僕 韓非子十過篇引作疇騎二千按漢律民年二十傳之疇官各從其父學習騎射故謂之疇騎

三傳 昔周公弔二叔之不咸 馬融云二叔夏殷叔世賈鄭皆以爲管蔡馬說是也下文明云管蔡則此二叔非管蔡可知

傳召穆公 服云召康公十六世孫

傳故糾合宗族於成周而作詩曰 一說作下脫一樂

字

傳宋蕩伯姬 按宋桓公生公子蕩其孫意諸始以蕩

爲氏此稱蕩伯姬豈卽公子蕩妻耶然書法亦奇矣

傳晉於是始啓南陽 馬融曰自朝歌以北至中山爲

東陽自朝歌以南至軹爲南陽按朝歌在今河南衛

輝府淇縣中山在今直隸正定府軹在今河南懷慶

府濟源縣

傳寺人勃鞞 按勃鞞之合音爲披

其傳室如縣磬 杜解如而也言資糧縣盡按服云室屋
皆發勢橫椽如磬在縣是也國語作磬禮記磬於甸
人注引此傳亦作磬

傳過三百乘其不能以入矣 按猶云吾見師之出而
不見其入也孔穎達謂不能入前敵宋儒又謂不能
入其衆而治之皆非

傳先軫曰 杜解下軍之佐原軫也劉炫云下文蒐於
被廬先軫始佐下軍

其僖且曰獻狀 顏師古以爲獻駢脅狀蓋嗤弄之言

其僖熱僖負羈氏 按韓非子十過篇文公令人告釐負

羈曰軍旅薄城吾知子不違也其喪子之閭寡人將以爲令令軍勿敢犯曹人聞之率其親戚而保釐負羈之閭者七百餘家此禮之所用也

其僖距躍三百曲踊三百 明邵寶左臚云絕地而起直

跳爲距躍橫跳爲曲踊駿按魏準躍踊以示不病也文公愛其材故問視傷胸之輕重若已至於病不可復生則將殺之隼示不病且以見熱僖負羈氏之已

不與耳故公不深究但黜其職

其借不有寧也 按寧讀爲愁猶鬱也缺也傷也諱言傷

冒

其借楚子伏己而鹽其腦 監讀爲蠶蟲蝕曰蠶明余仁

仲左傳字辨云伏字絕句已而鹽其腦已音以按陸氏釋文已下不音紀說亦可通但下文我得天三字似無著落

其借請與君之士戲 按戲三軍之偏也一曰兵也若戲弄之戲乃讀戲爲詭詩善戲詭兮單言曰詭重言曰

戲謔雙聲連語也下文馮軾而觀得臣與寓目似與
今俗之以優爲戲同意然古無是訓若從本字訓兵
則不詞若三軍之偏實爲靡字之段借亦不詞若爲
謔浪之謔則可聽不可觀竊疑此處必有脫誤不敢
強解無已甯讀謔

其僖旅弓矢千 服云旅弓以射甲革槡質矢千則弓十

其僖白爲瓊弁玉纓 服云馬飾

其僖且使王狩 按狩巡狩也非田獵之冬狩

其僖有昌歆 按歆者飲之誤字借歆爲蒞也蒞蒞也故

歎相承讀如諂音不誤玉篇所引則又誤作歎歎字
必無徂敢切之理

^億行李之往來 按李讀爲使或讀爲吏段借字形聲
俱近

^億猶三望 按鄭君曰三望謂海岱及淮蓋徐州之界
也徐卽魯地然公羊云太山河海亦自正大

^億勤而無所 按所處也言若令我師知之則鄭亦必
知若不令我師知之則勞師而不知其處士卒必有
悖心故下又云且行千里其誰不知謂我師與鄭實

則斷無不知也

傳弦高 按淮南人間訓尚有蹇他蓋與高爲二商人

傳而伐吾同姓 按同姓謂滅滑也

傳不顧而唾 按唾讀爲音說文音相與語唾而不受

也非涕唾之唾

文於是閏三月 按古人歸餘於終皆在歲杪至秦歷

法猶然故史記漢書表屢書後九月秦建亥故也沈

彤云歸餘於終者置閏在四季月則是年閏三月何

以譏非禮乎然厯法後人精密勝古閏實不當定置

歲終卽置四季月亦非

二文勇則害上不登於明堂 按二語見逸周書大匡篇
狼臆所謂周志也

二文廢六關 按家語作置六關王肅以六關爲一關之
名利其稅故曰不仁公羊傳廢其無聲者亦以廢爲
置何休云齊人語

三文封殺尸而還 杜解埋藏之賈云封識之駿按敍敗
在僖三十三年四月封尸在文三年五月閱三載之
久豈尙有可以埋藏之尸惟表識其地而已賈是杜

非

文圖邛新城 服云新所作城也按在今陝西同州府

澄城縣東北

文甯嬴從之 杜解甯晉邑嬴逆旅大夫蓋本國語賈

逵注劉炫云逆旅之主人耳按大夫不得私去其官

劉說是也甯在今河南衛輝府獲嘉縣之西懷慶府

修武縣之東疑是衛地

文難必抒矣 服作紓緩也

文使求遭喪之禮 按禮有五一主國君之喪二主國

夫人世子喪三聘君之喪四使者父母之喪五賓介之喪皆詳於聘禮春秋時以爲豫凶事而不行

六文陳小而遠無按說苑建本篇樂有寵於國先君愛而仕之翟所傳聞不同

七文正德利用厚生賈服皆以爲正德人德利用地德厚生天德

八文自申至於虎牢之境服云致之於鄭按申在今河南開封府鄭縣及汜水縣界虎牢在汜水縣皆鄭地晉取之以封公婿池今以其田歸鄭傳文不具耳必

無以鄭田歸衛之理

上文

富父終甥搯其喉

按戈秘長六尺六寸而搯及其

喉則僑如之長必無三丈

上文

齊襄公之二年

明陸榮曰據史記魯齊世家及十

二諸侯年表皆作齊惠公之二年蓋卽魯宣二年也

襄當作惠

上文

齊王子成父

按呂覽審分篇管子請桓公用王子

成父爲大司馬說苑晏子曰桓公軍吏怠戎士偷則

王子成父侍蓋齊襄公舊臣而桓用之者計齊襄元

年至齊惠二年九十二載則成父必已百歲上下何
能從軍此傳追敘前事以初字冠之統三役而言晉
之滅潞當亦在春秋前非宣十五年之赤狄潞氏也
齊襄之二年蓋魯桓之十六年也鄭瞞由是遂亡是
者卽指文十一年冬而言史記用左傳有誤若果魯
宣二年十五年之事左氏亦當先敘榮如簡如復敘
焚如不應倒置矣

文楚子伐麋 潁容曰麋當陽也按今湖北鄖陽府鄖
縣

^文不在軍事 按在察也

^文太子以夫鍾與郕邾來奔 服云郕邾亦邑名也一

曰郕邾之家寶圭按郕國在今山東兗州府寧陽縣
說文邾下云隴西上邾也則在今甘肅秦州故戎地
漢志京兆又有下邾師古曰取邾戎之人而來爲此
縣則在今陝西西安府臨潼縣當從後說讀邾爲圭
^文繞朝贈之以策 杜解策爲馬櫪服云以策書贈則
謂借策爲冊按馬櫪近是又按韓非子說難篇繞朝
之言當矣其爲聖人於晉而爲戮於秦也此不可不

察豈秦因贈策而加之罪耶可補三傳之闕

文不出七年 按云七年者豈以北斗七星爲說耶

文而伐舒蓼 按如舒庸舒鳩爲羣舒之一僖三年徐

取舒文五年楚滅蓼皆非此舒在今安徽廬州府廬

江縣此舒蓼在今舒城縣滅蓼之蓼則在今河南光

州固始縣

文魯人以爲敏 孔穎達以魯人爲魯鈍之人非杜意

也杜解明君子所不與蓋言魯之庸衆人以爲敏耳

文先君蚡冒 杜解蚡冒武王父按史記蚡冒熊眡卒

弟熊通殺蚡冒子而代立是爲楚武王則蚡冒武王兄也

文使帥甸攻而殺之 杜解郊甸之師沈彤云郊當作

邦

文又朝以蔽陳事 按說文無蔽此字無從下筆方言

蔽備也廣雅蔽敕也疑實貳之誤字貳副益也因古訓敕卽以敕之音轉而讀如展遂借爲展方言又云解也則展之訓

文趙穿公壻池爲質焉 按趙穿名池一人也若質兩

堦大奇且立文不順

文今日必達 按說文達行不相遇也自是古訓書顧
命用克達殷吳語寡人其達王於爾句東正與此達
字同放逐之意禮記內則左右達爲夾室夾室所以
相隔絕也誼亦相近

文在九刑不忘 惠棟曰刑書九篇也逸周書嘗麥云
大史筴刑書九篇以升授大正

文謂之渾敦 服以爲驩兜人面馬喙亦獸名按驩兜
卽渾敦之轉音渾與驩敦與兜皆雙聲

文謂之檮杌 服云神異經曰狀似虎豪長二尺人面

虎足豬牙尾長丈八尺能鬥不退

文縉雲氏 賈云姜姓炎帝之裔在黃帝爲縉雲之官

文謂之饕餮 服云神異經曰獸名身如牛人面目在

腋下食人駿按杜解渾敦卽驩兜窮奇卽共工檮杌

卽鯀而不解饕餮檢陸德明尙書釋文引馬融云三

苗國名縉雲氏之後爲諸侯則饕餮也

宣皆取賂而還 杜解二扈之盟皆受賂劉炫云前扈

之盟文所不載蓋謂取宋賂齊賂也

二宜戎昭果毅以聽之 按大戴禮甲冑之戎昭果毅以聽合之上文祭祀昭有神明燕食昭有慈愛數語自是古書有之

二宜其御羊斟不與 羊斟史記微子世家及淮南書皆作羊羹按斟卽羹也方言斟汁也一說其御羊者羊乃叔牂之名與字牂相應斟不與謂不與羹也予嘗戲言下文可云疇昔之羊子爲政今日之子羊爲政二宜文馬百駟 賈云文狸文也說文引作馮馬百駟謂畫馬蓋古本借馮爲彪今本借文爲彪杜解因之

宣 觸槐而死 按周禮外朝有三槐諸侯當同上文曰
臆退蓋歸死於公廷也非趙氏庭樹

宣 遂扶以下 扶當作跣服虔本作跣按凡燕禮人臣
解鞶上堂故不及屨而下

宣 趙盾爲旄車之族 服云軹車戎車之倅

宣 不逢不若 不逢當作禁禦東京賦及爾雅釋詁注
可證下文云莫能逢之不當重複也

宣 以貫笠轂 杜解兵車無蓋尊者則邊人執笠依轂
而立以禦寒暑服云轂之蓋如笠所以蔽轂上禦矢

宣以盈其貫 杜解貫猶習也難通劉炫云如繩索之貫物駿按韓非子說林下云有與悍者隣欲賣宅而避之人曰是其貫將滿也子姑待之答曰吾恐其以我滿貫也遂去盈貫卽滿貫也僞秦誓商罪貫盈蓋用左傳

宣令尹薦艾獵 服云薦賈子孫叔敖也按世本以爲孫叔敖之兄艾獵之子薦子馮見襄十五年傳又按孫叔敖碑云君名饒

宣且巷出車 賈云出車陳於巷街示雖困不降必欲

戰也杜解示將遷非是

宣先穀佐之 杜解說季代林父按說季乃士魴之字
見成十八年傳先穀自字說季子誤季也

宣必長晉國 杜讀長少之長謂執國政按云晉國長
安也

宣使輶車逆之 服云輶車屯守之車

宣潘黨率游闕四十乘 按齊語戎車待游車之裂周
禮車僕有闕車之倖游車卽闕車故曰游闕

宣駒伯曰 杜解卻克也上軍佐按駒伯卻錡之字也

克之子

^宣屈蕩尸之尸當作戶戶所以限隔故轉而訓止

^宣以至於昏文選注引五經要義云日入後漏三刻
爲昏

^宣楚人憖之脫扃按憖讀爲認杜訓教是也說文引
作𡗗云舉也則許所見別本

^宣知莊子以其族反之杜解族家兵按族猶屬也與
僖二十八年傳中軍公族成十六年傳中軍王族同
^宣衛人以爲成勞或曰成衛成公也禮記孔悝鼎銘

云乃祖莊叔左右成公成公乃命隨難於漢陽卽宮
於宗周奔走無射是孔達有佐成公復國之勞未必
指說于晉一事

十四宣

復室其子

杜解以女妻之劉炫云復以室家還其

子按室者猶周禮之宅田凡臣有辜被誅其室當沒
入官今以孔達有平國之功故還室於其子復還也
其子據世本則得問叔穀也

十四宣

於是有庭實旅百

杜解主人亦設饗豆百品實於

庭以答賓劉炫云聘賓所獻庭實也又嘉淑而有加

貨杜解加命宿幣帛也言往共則來報亦備劉炫云
加貨亦賓所獻也皆當從劉

宣初稅畝 按公田之畝藉其什一私田之畝又稅其
什一論語所謂二吾猶不足也三傳無異說胡傳繆
甚

宣使解揚如宋 劉向云解揚霍人字子虎後世言霍
虎

宣凡自虐其君曰弑自外曰戕 唐石經虐上有內字
是也

宣
十八

以失大援 服云仲殺適立庶國政無常隣國非之
是失大援助也按大援謂齊也惡視皆殺而哀姜大
歸於齊

春秋左傳識小錄卷下

元和朱駿聲輯

成元作邱甲

按此加兵非加賦加甲士非加步卒古四

邱出甲士三人今四邱出甲士四人每車御一人射
一人擊刺二人如文十一年傳之駟乘也爲齊難故
備之

成二

桀石以投人

按桀讀爲揭高舉也杜讀爲竭竭負

舉也故訓據

成二

韓厥執繫馬前

按馬字衍與襄二十五年子展執

繫而見同繫馬絆也加馬字則不詞

成 求丑父三入三出 杜解三入晉軍劉炫云三入齊
軍又三出齊軍是也下文每出齊師以帥退出齊師
三字連讀杜解是也

成 敵邑之幸 劉炫云言敵邑脫或有幸戰勝文義較
順杜解非

成 賜三帥先路三命之服 杜解已嘗受王先路之賜
今改而易新劉炫云此晉君之賜按王賜之大路者
春秋時惟鄭子矯魯穆叔二人今賜先路正與襄二
十六傳鄭賜子展同劉說是也

成二 匿盟也 按左氏襍采各國之書以成傳此匿盟二字非左氏自言故下文又釋之匿讀爲讀譎詭權詐之意不訓乏

成二 侵敗王略 惠棟曰昭七傳云天子經略天子謂之略諸侯謂之封杜解法度非是

成六 沃饒而近鹽 服曰土平有漑曰沃

成六 立武宮 杜解築武軍又作先君武公宮按魯無築武軍事

成八 以其田與祁奚 呂覽高誘注祁奚高梁伯之子祁

黃羊也又云黃羊祁奚字

成晉侯夢大鴈服以爲公明之鬼按公明趙同趙括
之祖以景公殺同括也

成能者養之以福按漢書律厯志引作養以之福顏
師古注之往也當從之

成迭我役地按迭讀爲軼突也

成不更女夫按續漢書百官志劉昭補注引劉劭云
爵制秦自一爵以上至不更四等皆士也又曰不更
者爲車右不復與凡更卒同也

成仲嬰齊卒 按魯有兩公孫嬰齊一東門氏襄仲之

子襄仲莊公子也一子叔氏叔肸之子叔肸文公子也皆見於經此仲氏卽紹襄仲之後以父字爲氏者較子叔聲伯爲疎遠故書仲不書公孫

成荀伯不復從 按從當作徒兵役也

成皆曰國士在 服以爲州犁言晉強賁皇言楚強故云皆

成欒范以其族夾公行 杜解二族強劉炫云族屬也

謂中軍

成敢告不寧 杜解不敢自安劉炫云僖二十八傳魏

準云不有寧也以傷爲寧正同按寧之爲傷蓋讀爲

愁方言愁傷也按猶齧也缺也此對上卅乃傷乎而

言劉說通

成不亦識乎 邵寶云識記也能記往日好整好暇之

言

成命軍吏察夷傷 服云金創爲夷按痍之借字

成士燮卒 杜解因禱自裁按古人極信鬼神之事左

氏正言祈死而得死與昭二十六年傳魯昭子同劉

炫云適與死會非自殺是也

成十七葵猶能衛其足 按淮南說林訓葵之與日也其鄉之誠也高誘注鄉仰也

成十七公游于匠麗氏 賈云外嬖大夫在翼者

成十七自宋始矣 孔穎達云謂晉文公非也據當時言耳
成十七羊舌職佐之 按劉向說苑作羊殖蓋舌職二字急言之卽殖

襄二正輿子 按荀子楊倞注字子馬

襄三組甲三百被練三千 賈云以組綴甲車士服之被

練帛也以帛綴甲步卒服之凡甲所以爲固者以盈
竅也帛盈竅而任力者半卑者所服組盈竅而盡任
力尊者所服也馬融則謂組爲甲裏公族所服練爲
甲裏卑者所服杜解漆甲爲組文被練練袍非是

三裏與之禮食 韋昭曰禮食公食大夫之禮也按凡正
饗食在廟

四裏靡奔有鬲氏 杜解靡夏遺臣事羿者按夏遺臣事
相者

四裏昔周辛甲之爲太史也 劉向別錄云辛甲事紂七

十五諫而不聽去之周

襄四

各有攸處

杜解人神各有所歸按神者獸之誤

襄四

戎狄荐居

服云荐艸也狄人逐水艸而居徙無常

處

襄四

皆髻

馬融云屈布爲巾高四寸著於額上按髻露

紒也猶男子之括髮斬衰括髮以麻則髻用麻也蓋以麻自項而前交於額上卻繞紒如著幪頭焉喪服小記曰男子冠而婦人笄男子免而婦人髻則髻如免形制同於幪頭也

^襄四 臧之狐裘 杜解時服狐裘按周之十月十一月當

今之八九月尙非服狐裘之時疑輿誦作于後

^襄五 宰庀家器 按庀之字當作比校次之也

^襄六 子罕善之如初 服以爲茹柔吐剛不逐子蕩左氏

貶之

^襄七 衡而委蛇必折 按委蛇謂孫子恬然不以爲意從

容自若也所謂無悛容

^襄九 使西鉏吾庀府守 杜解府六官之典劉炫云府庫

守藏按凡言府皆是藏財物之所如周禮九府曲禮

在府言府昭十八傳府人哀三傳顧府皆是庀當作比

襄九相土因之 服云相土居商邱故湯以爲天下號商邱今河南歸德府商邱縣

襄九吾三分四軍 賈云三分四軍爲十二部是也杜解非

襄九冠而生子 賈服皆云人君禮十二而冠

襄十會吳子壽夢也 杜解吳子乘也按壽夢之合音爲乘

襄十投之以機 按機當讀爲几踞几也

襄十以位序聽政辟 服云鄭舊世卿父死子代今子孔

欲擅改之使以次先爲士大夫乃至卿也

襄十師悝師觸師蠲 服云悝鐘師觸罍師蠲磬師

襄十歌鐘二肆 據周禮小胥鄭注編鐘十六編磬十六

爲一肆則六十四枚爲二肆若但編鐘十六則謂之

堵不謂之肆此自當包磬而言杜解非也

襄十九合諸侯 服云戚也城棣也鄆也邢邱也戲也柎

也虎牢也亳城北也蕭魚也

^襄七姓十二國之祖 杜解十三國言十二誤也按服
云晉主盟不自數

^襄同盟於亳城北 按公穀皆作京城北左氏春秋字
誤也京卽隱元傳之京在今河南開封府滎陽縣若
亳在今河南河南府偃師縣當時爲周地去鄭甚遠
不應越鄭而盟於此

^襄書曰居安思危 按見逸周書程典曰於安思危今
僞周官居寵思危用左此傳而改安爲寵也

^襄秦庶長鮑庶長武 續漢百官志注引劉劭云爵制

有左庶長右庶長大庶長皆卿大夫皆將軍也鮑武
蓋左右將軍十二年之庶長無地疑是大將軍

襄
三小人農力以事其上 陳少章曰宋本農作展唐石

經初刻作展後改農按展是也若執誤字則書洪範
農用八政農讀爲穰猶厚也亦可通

襄
三先王卜征五年而歲習其祥 按征謂伐國杜解巡

守於情事未允

襄
十四君義嗣也 按義嗣本書康王之誥君義嗣德義者

宜也

義公使歌之遂誦之 按周禮大司樂興道諷誦言語
注以聲節之曰誦蓋師曹又節節詠歎之令孫文子
聞而愀然

義遽伯玉 呂覽高誘注伯玉遽莊子无咎之子瑗謚
成子

義困民之主匱神之祀 按劉向新序襍事引作困民
之性匱神之祀當從之惟性字宜作生故傳字誤主
也

義公使厚成叔 按呂覽有邱成子邱敬伯同之子卽

厚成叔也

齊人以和寄衛侯

按禮記所謂寓公也寓寄也

夏書曰道人以木鐸徇于路

杜解道人行人之官

采歌謠之言劉炫云杜不見古文道人爲宣令之官
徇路求諫按道讀爲趨行也道人卽近人漢書食貨
志作行人劉歆與楊雄書作道人周禮大行人屬象
胥諭言語協辭命屬瞽史諭書名聽聲音近人蓋大
行人之屬杜不誤劉炫又云杜不見古文按僞允征
乃晉枚頤所止之書其書卽采用左傳也杜所未見

襄楚公子貞帥師伐吳 按呂覽高義篇荆與吳將戰

荆師寡吳師衆荆將軍子囊曰我與吳人戰必敗敗
王師辱王名虧壤土忠臣不忍爲也不復於王而遁
至于郊請死王曰將軍之遁也以其爲利也今誠利
將軍何死子囊曰遁者無罪則後世之爲王將者皆
效臣遁遂伏劍而死王曰請成將軍義乃爲之桐棺
三寸加斧鑕其上所引情事與傳不同

襄屈蕩爲連尹 服云射官言射相連屬也

襄祁奚韓襄樂盈士鞅爲公族大夫 馬宗璉曰祁奚



當是祁午按襄七年奚已請老或復起用但考二十一年傳云於是祁奚老矣則馬說有據

襄七邑中之黔 按酈道元水經注華元居於穆里

襄七惟卿爲大夫 按爲爲服也禮記裸記大夫之適子

服大夫之服庶子爲大夫則爲其父母服大夫服其位與未爲大夫者齒按大夫適子卽卿也晏嬰疑非桓子適子故降而服士服以其喪位猶與未爲大夫者齒也

襄六塹防門而守之廣里 杜解於防門外作塹橫行廣

一里城晉京相璠春秋土地名曰平陰城南有長城東至海西至濟河道所由名防門去平陰三里今防門北有光里齊人言廣音與光同是廣里亦地名杜誤也平陰防門廣里皆在今山東泰安府東平州

大襄有班馬之聲 杜解班別也夜遁馬不相見故鳴按

班讀爲般還也

大襄乃弛弓而自後縛之 按以弓弦縛也

大襄及秦周 杜解魯大夫按呂覽權勲篇曰齊達于帥其餘卒以軍于秦周高誘注齊城門名

義以爲公琴 惠棟曰公琴頌琴也

義以枚數闔 杜解枚馬闔二十一年傳州綽曰還於

門中識其枚數孔穎達以箇數釋之皆非也二枚字
當爲一解按考工鳧氏爲鐘篆間謂之枚蓋鐘乳也
枚者如今之門扇以鐵釘勻布其上如鐘乳

義吾驟歌北風又歌南風 服云北風夾鐘無射以北

南風姑洗南呂以南吹律而曰歌與風者出聲曰歌
律是候氣之管氣則風也按周禮大師執同律以聽
軍聲而詔吉凶今此法不傳

^襄諸子仲子戎子 杜解諸子諸妾子姓者按管子房

元齡注諸子內官之號哀五年諸子驚姒明傳遜左
傳注解辨誤亦同

^襄崔杼微逆光 服云微隱匿也按說文微隱行也

^襄與執燔焉 按燔當爲緇火上脫肉

^襄慶氏不義不可肆也 服云經不書慶叛爲楚所圍

稱國以殺者不成惡人肆其志也說似迂曲林堯叟
注肆放也不可放在人上尤繆按肆長也詩其風肆
好毛傳長也字从長从隶聲古訓自當爲長詳見余

說文通訓定聲一說肆讀爲恣縱恣也謂慶氏築城
殺人亦通

^三襄唯魏氏及七輿大夫與之服云下軍與帥七人

^三襄或以戟鉤之江永曰本欲生禽之故不同戟之刺

與援而用胡以鉤之而胡之下鋒貫肘也按考工記

鄭注今三鋒戟也戟胡橫與之

^三襄象有齒以焚其身按焚讀爲儼僵也

^三襄皆踞轉而鼓琴傳遜云轉當作軫方言軫謂之枕

郭璞注車後橫木

襄
廿五

及處守者皆有賂 杜解皆以男女爲賂非也按上

文男女以班與此年陳使其衆男女別而纍同蓋示
降服之意非以爲賂

襄
廿五

當陳隧者 隧王肅以爲墓道杜解以爲徑路按隧

卽遂之俗字从辵从隊聲也

襄
廿五

度山林九句 賈云山林之地九夫爲度九度而當

一井數澤九夫爲鳩八鳩而當一井京陵九夫爲辨
七辨而當一井淳鹵九夫爲表六表而當一井疆潦
九夫爲數五數而當一井偃豬九夫爲規四規而當

一井原防九夫爲町三町而當一井隰皋九夫爲牧
二牧而當一井衍沃畝百爲夫九夫爲井

襄
廿五

書曰慎始而敬終終以不困 按逸周書常訓曰慎

微以始而敬終終乃不困今僞蔡仲之命用左傳

襄
廿六

頷之而已 按說文頁部引此傳頷作頷低頭也列

子殷湯篇巧夫頷其頤則歌台律

襄
廿七

先八邑 杜解三十二井下傳懿氏六十杜解取田

六十井服云六十邑按據二十七年與免餘邑六十
左師邑六十二十八年與晏子抑殿其鄙六十與北

郭佐邑六十皆一乘之邑則懿氏自是衛邑名非人氏也輔氏鄆瑕氏鄭氏之類皆非當時有此人

其義生女子赤而毛 按如吾蘇所云社日生之兒也毛

者徧體細毛色白因毛白而膚似赤

其義公見棄也而視之尤 杜解尤甚也服云尤過也意

悅之視之過人駿按尤物之尤異也公以爲有殊絕之美

其義以比叔向 明陸粲左傳附注云祿秩比叔向也杜解非

襄公喪之如稅服終身 服云衰麻已除日月已過乃

聞喪而服是爲稅服服之輕者

襄仲尼使舉是禮也 沈氏云舉謂記錄之

幸而後亡 杜解言必先亡按亡逃亡也謂伯有將

爲戮於鄭若有天幸而後得逃亡也與下文子展其

後亡者也不同

何以恤我我其收之 杜解逸詩按周頌何作假恤

作溢何假聲近恤溢形近左氏正引此

得慶氏之木百車于莊 杜解六軌之道按莊亦里

名孟子云莊獄之間

襄吳句餘予之朱方 服云句餘餘祭也

襄榮成伯曰 杜解榮駕鵠韋昭云聲伯之子名樂

襄祇見疏也 惠棟曰疏當爲詭呂覽知接篇有詭高

誘注詭讀誣妄之誣駿按說文詭夢言也高讀爲誣

妄之妄耳誣妄之妄本字實爲罔

襄不尙取之 杜解不尙叔侯之取貨服云不尙尙也

尙當取女叔侯殺之又毋寧夫人而焉用老臣杜解

言先君毋寧怪夫人之所爲無用責我服云毋寧寧

也寧自取夫人將焉用老臣乎皆服是杜非

襄

險而易行

按史記險作儉是也

襄

思而不貳

杜解思文武之

無貳叛之心又怨而

不言杜解有哀音又其周德之衰乎猶有先王之遺
民焉杜解衰小也謂有殷王餘俗故未大服云此歎
變小雅也思上世之明聖而不貳於當時之王怨當
時之政而不有背叛之言其周德之衰微乎疑其爲
幽厲之政也按照說是也

襄

見舞象箭南籥者

孔穎達曰維清奏象舞也卽此

象簡程大昌曰南籥二南之籥詩所謂以雅以南以
籥不僭也

襄

其出聘也通嗣君也 杜解餘祭嗣立賈服皆以爲

夷昧按餘祭立於襄公二十五年嗣位已久當從賈
服

襄

亥有二首六身 惠有聲曰亥乃絳縣人之名卽孟

子之亥唐韓非子作唐亥故卽以其名推算其年按
說甚新奇亥與豕同字故曰首曰身古文亥當作𠂇
下二如身則爲𠂇形古六作𠂇猶五作𠂇如今記帳

所用之馬

三取我衣冠而褚之 陸粲曰褚衣之橐也莊子褚小者不可以懷大成三年傳置之褚中皆是按說文褚一曰裝衣也陸說本此而不知裝衣之褚讀爲絮置之褚中讀爲貯此傳當讀爲儲或爲貯蓄藏也俱非褚之本字本訓呂覽樂成正作貯

世是謂不度 惠棟曰孝經援神契天子之孝曰就諸侯曰度

世猶有童心 按童讀爲僮猶幼志也儀禮士冠禮棄

爾幼志

^{世襄}高其閤閤 杜解閤門也按閤當作閣爾雅所以止

扉謂之閤亦誤字

^{世襄}繕完葺墻 李涪刊誤曰完當作宇按宇非可繕之

物字當作院說文窰周垣也或作院與院字異

^{世襄}莒人弑其君買朱鉏 杜解密州之字按買朱鉏卽

密州之三合音非字也

^{世襄}子大叔美秀而文 按說苑政理篇作善決而文是

也但決卽馮簡子之能斷似決又攷字之誤攷秀亦

聲近

元昭蒲宮有前 服云楚君離宮按如周禮之帷宮

元昭吾代二子愍矣 杜解二子王子圍伯州犂按服云

愍憂也代伯州犂憂王子圍代子羽憂子哲

元昭梁其蹕曰 廣韻孫恂云魯伯禽子梁其之後

元昭具五獻之選豆于幕下 按周禮大行人職子男五

獻昭六年傳得貺不過三獻然禮記王制云大國之

卿當小國之君則亦不妨變通矣

元昭弁冕端委以治民 服云禮衣端正無殺故曰端文

德之衣尙袖長故曰委

元昭

兩于前伍于後專爲右角參爲左角偏爲前拒服

引司馬法五十乘爲兩百二十乘爲伍八十一乘爲
專二十九乘爲參二十五乘爲偏此傳舍車用卒則
此名不以車數爲別也按車三人爲一乘或兩爲百
五十人伍爲三百六十人專爲二百四十三人參爲
八十七人偏爲七十五人也

元昭

有文在其手曰虞按虞字繁重手文當似古文𠂔

也

昭 元 壅閉湫底 服云湫著也底止也

昭 元 風淫末疾 杜解末爲四肢風爲緩急服云首疾謂

風眩也按說文本上爲末逸周書元首爲末服說是

昭 元 穀之飛亦爲蠱 按爾雅釋器康謂之蠱郭璞注康

米皮簸揚則在前故云飛